

## REGLUGERÐ

### um breytingu á reglugerð fyrir Vatnsveitu Hríseyjar, nr. 250 31. desember 1965.

#### 1. gr.

##### 8. grein orðist þannig:

Húseigandi, sem beiðist tengingar við vatnsæðar vatnsveitunnar, skal leggja fram teikningar af vatnskerfi sínu, ef óskað er. Húseigandi skal greiða tengigjald til vatnsveitunnar, áður en tenging fer fram og skal það miðað við rúmmál húss hans að utanmáli. Er gjaldið kr. 6.00 á hvern rúmmetra húss allt að 2000 rúmmetra stærð, en kr. 4.00 á hvern rúmmetra, sem þar er umfram.

#### 2. gr.

##### 9. grein orðist þannig:

Árlegur vatnsskattur skal miðast við rúmmál húss að utanmáli. Gjaldið skal vera kr. 4.00 á hvern rúmmetra húss allt að 350 rúmmetra stærð, en kr. 3.00 á hvern rúmmetra, sem þar er umfram. Upphæð vatnsskatts skal þó aldrei vera lægri en kr. 1 000.00 fyrir hverja skattskylda fasteign. Þó skal aldrei reikna vatnsskatt af húsi það ár, sem bygging fer fram. Vatnsskatt skal greiða af öllum húseignum á vatnsveitusvæðinu, sem vatni er veitt í eða næst til vatnsæðar frá. Fyrir tímabundin eða sérstök vatnsnot skal greiða sem hér segir, auk vatnsskatts:

- a. Vatnsnotkun í steypu til iðnaðar kr. 10.00 fyrir hver 100 kg af sementsnotkun.
- b. Fyrir vatnsnotkun í sláturhúsum skal greiða aukagjald kr. 10.00 á hverja slátræða skepnu.
- c. Fyrir vatnsnotkun við síldarsöltun skal greiða kr. 10.00 á hverja uppsaltaða tunnu síldar. Sama gjald fyrir hverja tunnu af söltuðum hrognum. Fyrir sjósaltaða síld, sem lögð er á land til pökkunar eða pæklunar, skal greiða kr. 5.00 fyrir hverja útskipaða tunnu.
- d. Fyrir vatnsnotkun til síldarbræðslu skal greiða kr. 35.00 fyrir hvert landað síldartonn og kr. 20.00 fyrir hvert landað tonn af öðrum afla.
- e. Vatnsnotkun við fiskverkun og fiskvinnslu skal greidd með kr. 15.00 á hverja smálest af innvegnum fiski, þar sem ekki er vatnsmælir.
- f. Hríseyjarhöfn greiðir vatnsskatt eftir mati vatnsveitunnar.
- g. Gjöld fyrir ótalin vatnsnot skulu fara eftir ákvörðun vatnsveitunnar.

#### 3. gr.

##### 10. grein orðist þannig:

Þar sem vatnsnot eru mikil eða komi í ljós, að þau séu óeðlileg, er sveitarstjórn heimilt að krefjast aukavatnsskatts samkvæmt mælingu eða eftir ákvörðun sveitarstjórnar. Aukavatnsskattur skal miðast við kr. 2.50 á hvern rúmmetra vatns. Nú sættir húseigandi og/eða vatnsnotandi sig eigi við ákvörðun vatnsveitunnar á aukavatnsskatti og getur hann þá krafizt þess, að vatnsnotkun hans verði mæld um eins mánaðar skeið, eftir vali vatnsveitunnar. Verður aukavatnsskattur þess árs þá ákvarðaður hlutfallslega við útkomu þeirrar mælingar.

#### 4. gr.

##### 11. grein orðist þannig:

Þar sem vatn er selt samkvæmt mæli, greiðir húseigandi kostnað við uppsetningu mælisins. Vatnsveitan sér um eðlilegt viðhald mælisins, en allar skemmdir

af mannavöldum og frostum ber húseiganda að bæta. Ef maður rýfur innsigli vatnsmælis, varðar það refsingu samkvæmt almennum hegningarlögum. Verði vatnsmæli ekki komið fyrir án breytinga á vatnslögn hússins, er húseiganda skylt að láta breyta lögninni á sinn kostnað. Vatnsveitan sjálf ákveður stærð og gerð mælis í samræmi við vatnsnotkun á hverjum stað. Ber húseiganda að tilkynna vatnsveitunni tafarlaust um bilanir á vatnsmæli, er hann kann að verða þeirra var.

#### 5. gr.

12. grein orðist þannig:

Vatnsskattur fellur í gjalddaga 2. janúar ár hvert og ber að greiða skattinn á skrifstofu hreppsins. Aukavatnsskattur samkvæmt mæli greiðist í lok hvers ársfjórðungs.

#### 6. gr.

13. grein orðist þannig:

Gjöld samkvæmt reglugerð þessari eru miðuð við fasteignamat 1972, og skulu þau breytast síðar, í samræmi við gildandi meðal-fasteignamat hvers rúmmetra húss, á hverjum tíma. Sveitarstjórnin getur hækkað og lækkað um allt að 50% framantalin gjöld, öll þeirra eða hvert um sig, án þess að leita þurfi staðfestingar ráðuneytisins.

#### 7. gr.

14. grein orðist þannig:

Brot gegn reglugerð þessari varða sektum allt að kr. 100 000.00 nema þyngri refsing liggji fyrir að lögum. Mál út af brotum á reglugerð þessari skal farið með sem opinber mál.

Reglugerð þessi staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 20. febrúar 1973.*

**Hannibal Valdimarsson.**

*Hallgrímur Dalberg.*

## REGLUGERÐ

### um holræsi í Hríseyjarhreppi.

#### 1. gr.

Þegar Hríseyjarhreppur hefur látið leggja holræsi í veg, götu eða annað opið svæði eða þar sem hreppurinn hefur tekið að sér viðhald og endurnýjun holræsa, er heim húseigendum, er þar eiga húseign að eða í námunda við og til holræsa geta náð, skylt að leggja á sinn kostnað holræsi frá húsinu, er flytji allt skólþ frá því út í aðalræsið. Regnvatn af húsum og lóðum skal einnig, ef unnt er, leiða í ræsið eða sérstakt holræsi fyrir ofanjarðarvatn, ef gert er, samkvæmt fyrirmælum verkstjóra. Vanræki einhver að láta gera nýtt holræsi eða endurnýja eldra, innan hæflegs frests, sem sveitarstjórn ákveður, getur hreppurinn látið vinna verkið á kostnað húseiganda.

#### 2. gr.

Hríseyjarhreppur lætur leggja holræsaúta út frá aðalræsi í nýjum götum, sem hann lætur gera eftir 1. janúar 1973. Skulu stútar þessir ná út fyrir götu